



গণপ্রজাতন্ত্রী বাংলাদেশ সরকার

তথ্য অধিদফতর

PRESS INFORMATION DEPARTMENT, GOVERNMENT OF THE PEOPLE'S REPUBLIC OF BANGLADESH



তথ্যবিবরণী

নম্বর-২৫১

রাজশাহীর সমবায় প্রতিনিধিদের সাথে রাসিক মেয়রের শুভেচ্ছা ও মতবিনিময়

রাজশাহী; ০২ জ্যৈষ্ঠ (১৬ মে) :

রাজশাহীর সমবায় প্রতিনিধিদের সঙ্গে শুভেচ্ছা ও মতবিনিময় সভা অনুষ্ঠিত হয়েছে। মঙ্গলবার দুপুরে রাজশাহী মেডিকেল কলেজের ডা. কাইছার রহমান চৌধুরী অডিটোরিয়ামে আয়োজিত মতবিনিময় সভায় প্রধান অতিথি ছিলেন রাজশাহী সিটি কর্পোরেশনের মেয়র এ.এইচ.এম খায়রজ্জামান লিটন।

প্রধান অতিথির বক্তৃতায় মেয়র বলেন, স্বাধীনতার পর জাতির পিতা বঙ্গবন্ধু শেখ মুজিবুর রহমান নানা বাধা ও প্রতিকূলতা পেরিয়ে দেশকে এগিয়ে নিয়ে যাচ্ছিলেন। তৎকালীন দেশের ভঙ্গুর অর্থনীতিকে শক্তিশালীভাবে গড়ে তুলতে সমবায় কার্যক্রম চালু করেন তিনি। বঙ্গবন্ধু বেঁচে থাকলে দেশ আরও অনেক আগেই বর্তমানের চেয়ে বেশি ভালো জায়গায় পৌছে যেত। তবে এখন সুখের বিষয় বঙ্গবন্ধু কল্যাণ শেখ হাসিনা দেশকে গড়ছেন। প্রধানমন্ত্রীর নেতৃত্বে সর্বক্ষেত্রে দেশের উন্নয়ন দৃশ্যমান হয়েছে।

মেয়র বলেন, আমি সুযোগ পেলে রাজশাহীতে সমবায় সেক্টরের উন্নয়নে কাজ করবো। আপনারা বলেছেন, দেশের অন্য জায়গায় হলেও রাজশাহীতে ‘বঙ্গবন্ধু মডেল ভিলেজ’ হয়নি। ভবিষ্যতে রাজশাহীতে ‘বঙ্গবন্ধু মডেল ভিলেজ’ করতে চেষ্টা করবো।

মেয়র আরো বলেন, রাজশাহীর উন্নয়নে কিছু কাজ বাকি থেকে গেছে। সুযোগ পেলে অসমাপ্ত কাজগুলো সমাপ্ত করতে চাই। সবার সহযোগিতা রাজশাহীকে আরও এগিয়ে নিয়ে যেতে চাই।

রাজশাহী বিভাগীয় সমবায়ের যুগ্ম নিবন্ধক মোঃ মোখলেসুর রহমান সভাপতিত্বে সভায় রাজশাহী মহানগর আওয়ামী লীগের ভারপ্রাপ্ত সভাপতি বীর মুক্তিযোদ্ধা মোহাম্মদ আলী কামাল, সমবায়ের উপ-নিবন্ধক (প্রশাসন) মোঃ নুরুল্লাহী, উপ-নিবন্ধক (বিচার ও সমিতি) মোছাঃ শাহানা শিল্পী, জেলা সমবায় কর্মকর্তা মোঃ সাইদুর রহমান বিভিন্ন পর্যায়ের কর্মকর্তাগণ বক্তৃতা করেন।##

.....
তৌহিদ/সিকান্দার/কঙ্কল/হালিম/২০২৩/১৬.৪২ঘ.